



Broj: 10/E-11-5559/24
Sarajevo, ~~30.09.2024~~ . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Opštinskog načelnika broj: 10-45-237/24 od 25.03.2024. godine, (u daljem tekstu: Komisija II), u postupku javne nabavke: Usluge izrade sadržaja interpretacijske infrastrukture i projekta izvedenog stanja za potrebe izgradnje arheološkog parka „Kalin hadži Alijine džamije“ (Zapisnik o pregledu i ocjeni ponuda broj: 10/E-11-5559/24 od 19.09.2024. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača **JU Kantonalni zavod za zaštitu kulturno-historijskog i prirodnog naslijeđa Sarajevo**, ulica Josipa Štadlera broj 32, 71000 Sarajevo, broj: 11-1351-1/24 od 16.09.2024. godine, za usluge izrade sadržaja interpretacijske infrastrukture i projekta izvedenog stanja za potrebe izgradnje arheološkog parka „Kalin hadži Alijine džamije“, putem konkurentskog zahtjeva za dostavu ponuda, sa cijenom u ukupnom iznosu od **33,400,00 KM bez PDV-a**, odnosno **33.400,00 KM sa PDV-om i rokom izvršenja usluga 120 (stotinudvadeset) kalendarskih dana**.
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originalne ili ovjerene kopije).
- III.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke usluga izrade sadržaja interpretacijske infrastrukture i projekta izvedenog stanja za potrebe izgradnje arheološkog parka „Kalin hadži Alijine džamije“, pokrenut je Odlukom Općinskog načelnika o pokretanju postupka javne nabavke putem konkurentskog zahtjeva za dostavu ponuda, broj: 10/E-11-5559/24 od 30.08.2024. godine. Predmet nabavke nije podijeljen na lotove.

Obavještenje o nabavci 848-7-2-101-3-158/24 od 05.09.2024. godine objavljeno je na portal javnih nabavki (www.ejn.gov.ba), a sažetak obavještenja o nabavci objavljen je u „Službenom glasniku BiH“, broj 61/24 – Oglasnik javne nabavke.

Procijenjena vrijednost javne nabavke iznosi **33.410,00 KM** bez PDV-a.

U krajnjem roku za predaju ponuda koji određen tenderskom dokumentacijom (17.09.2024. godine do 11:00 sati), na adresu Ugovornog organa primljena je 1 (jedna) ponuda dostavljena od ponuđača JU „Kantonalni zavod za zaštitu kulturno-historijskog i prirodnog naslijeđa Sarajevo“.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponude i rok izvršenja usluga, kao potkriteriji u okviru kriterija „ekonomski najpovoljnija ponuda“, kako slijedi:

R/b	Ponuđač	Ukupno bez PDV-a (KM)	Popust	Ukupno sa PDV-om (KM)	Rok izvršenja usluga (kalendarski dani)
1.	JU Kantonalni zavod za zaštitu kulturno-historijskog i prirodnog naslijeđa Sarajevo	33.400,00	/	33.400,00*	120 dana

Napomena: Ponuđač nije u sistemu PDV-a.

Nakon izvršenog javnog otvaranja ponude, na zatvorenom sastanku Komisija II je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija II je jednoglasno konstatovala da dostavljena ponuda ponuđača JU „Kantonalni zavod za zaštitu kulturno-historijskog i prirodnog naslijeđa Sarajevo“ ispunjava formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve Ugovornog organa za predmetnu nabavku, kao i da je prihvatljiva u smislu Zakona o javnim nabavkama.

Detaljnom računskom provjerom ispravnosti ponude navedenog ponuđača, Komisija II je utvrdila da je podnesna ponuda računski ispravna. Komisija II je dalje ustanovila da ponuđač nije u sistemu PDV-a.

U daljem toku postupka izvršena je ocjena i vrednovanje dostavljene prihvatljive ponude prema pravilima propisanim Zakonom o javnim nabavkama i podzakonskim aktima, kao i proceduri utvrđenoj u tenderskoj dokumentaciji za predmetnu nabavku, primjenom odgovarajuće formule za vrednovanje pojedinih elemenata ponude i izračun ukupnog broja bodova, u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača, kao sastavnom dijelu tenderske dokumentacije (Aneks 9.).

Primjenom utvrđenih potkriterija 1. Cijena i 2. Rok izvršenja usluga i bodovanjem elemenata iz dostavljene ponude, u okviru kriterija „ekonomski najpovoljnija ponuda“, u skladu sa članom 64. stav (1) tačka a) Zakona o javnim nabavkama, Komisija II je izvršila analizu dostavljene ponude:

KRITERIJ ZA BODOVANJE „ekonomski najpovoljnija ponuda“	JU Kantonalni zavod za zaštitu kulturno-historijskog i prirodnog naslijeđa Sarajevo
Cijena 85% (bez PDV-a)	$33.400,00/33.400,00 \times 85 = 85$
Rok izvršenja usluge 15% (kalendarski dani)	$120/120 \times 15 = 15$
UKUPNO	100,00

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Ponuđača **JU Kantonalni zavod za zaštitu kulturno-historijskog i prirodnog naslijeđa Sarajevo**, ulica Josipa Štadlera broj 32, 71000 Sarajevo, broj: 11-1351-1/24 od 16.09.2024. godine, sa cijenom u ukupnom iznosu od **33.400,00 KM bez PDV-a**, odnosno **33.400,00 KM sa PDV-om i rokom izvršenja usluga 120 (stotinudvadeset) kalendarskih dana**, kao najpovoljnije, usluge izrade sadržaja interpretacijske infrastrukture i projekta izvedenog stanja za potrebe izgradnje arheološkog parka „Kalin hadži Alijine džamije“, sa kojim će biti zaključen ugovor.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Dokaz o plaćenju naknadi za pokretanje žalbenog postupka u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda
broj: 10/E-11-5559/24 od 19.09.2024. godine



Dostaviti:

1. Ponuđaču: JU Kantonalni zavod za zaštitu kulturno-historijskog i prirodnog naslijeđa Sarajevo, ul. Josipa Štadlera broj 32, 71000 Sarajevo
2. Službi za prostorno uređenje i investicije
3. Kabinetu općinskog načelnika – Odsjek za javne nabavke
4. Službi za finansije
5. U spis